

ՄԵԼԿ

Տարեկան դիմել 10 րուր, կես տարվանը 6 րուր:
Առանձին համարները 5 կոպեկով:
Թիֆլիսում գրվում են միայն խմբագրատան մէջ:

Օտարապետացիք դիմում են ուղղակի
Խմբագր. Редакция «Мелк»

Խմբագրատունը բաց է առաջօրեան 10—2 ժամ
(Բացի կիրակի և տօն օրերից):

Ցայտարարութիւն ընդունվում է ամեն լիզուով:

Ցայտարարութիւնների համար, զմարում են
կարգանելիք քառիս 2 կոպեկ:

Մ Շ Ա Կ

ԼՐԱԳԻՐԻՆ ԿԱՐԵԼԻ Է ԳՐՎԵԼ

Կ Է Ս Տ Ա Ր Ո Վ

Այսօր յուլիսի 1-ից ներկայ 1881 թւի, մինչև յուլիսի 1-ը 1882 թւի: Բաժանորդութեան գինը 6 րուր է, Գրվելու համար պէտք է ուղղակի դիմել խմբագրութեանը հետեւեալ հասցէով. Тифлис, редакция „Мелк“

ԲՈՎԱՆԿԱՎՈՒԹԻՒՆ

Քաղաքական մտածմունքները — ՆԵՐՔԻՆ ՏԵՍՈՒԹԻՒՆ: Հայոց բարեփոխական ընկերութիւն կազմաւորւած էր Նախկին Գործու, Նախկին Խմբագրի: Ներքին լուրերը — ԱՐՏԱՔԻՆ ՏԵՍՈՒԹԻՒՆ: Թիֆլիսի Գործարարական Ֆրանսիական Նախկին Թիֆլիսից: Նախկին Պարսկաստանից: — ԽԱՌՆ ԼՈՒՐԵՐ: — ՀԵՌՈՒԹԻՒՆՆԵՐ: — ՅԱՅՏԱՐԱՐՈՒԹԻՒՆՆԵՐ:

ՔԱՂԱՔԱԿԱՆ ՄՏԱՄՈՒՆՔՆԵՐ

Ընտրութեան շարժումը Գերմանիայում աւելի և աւելի մեծ ընդարձակութիւն է ստանում: Կարելի է ասել որ ամբողջ Եւրոպայի հայեցքները այժմ ուղղված են Գերմանիայում պատրաստվող անցքերի վրա: Ամենք անհամբերութեամբ են սպասում թէ ինչ հետեւանքներ կունենան գերմանական պարլամենտի համար առաջիկայ ընտրութիւնները: Այդ ընտրութիւններից է կախված իշխան Բիսմարկի բռնաւոր քաղաքականութեան պահպանվելը թէ չը պահպանվելը, կախված է նոյն իսկ Բիսմարկի զոյոթ թիւները:

Իւրաքանչիւր կուսակցութիւնը յայտնել է շրջաբերականներով իր քաղաքական համոզմունքը: Բիսմարկի կողմն է առժամանակ միմիայն հին պահպանողական կուսակցութիւնը: Իսկ նրա առաջվայ դաշնակիցները, սպասականները, պարզ յայտնում են իրանց շրջաբերականներում որ միշտ ընդդէմ կը լինեն պետական կանցլէրի քաղաքականութեանը, որովհետեւ նա ձգտում է դիտատորութեան և Գերմանիայի մէջ բոլոր ազատութիւնների ոչնչացնելուն: Ուրիշ կողմից պահպանողականները մեղադրում են ազատականներին որ սրանք արգելում են կառավարութեանը հոգ տանել բանտարկների նիւթական գրութեան մասին: Այդ տեսակ մեղադրանքներով Բիսմարկ կամենում է ժողովրդականութիւնն ստանալ ամբողջ մէջ:

Մի և նոյն ժամանակ քանի մօտենում են ընտրութիւնները այնքան սօցիալ-դեմոկրատները աւելի հայածվում են կառավարութեանը: անխիւ սօցիալ-դեմոկրատներ աջակցում են, բանտարկվում են, քաղաքները պաշարման դրութեան մէջ են յայտնվում, լրագիրները արգելվում են: Բայց երբ մի քաղաքում մի լրագիր արգելվում է, սօցիալ-դեմոկրատները տեղափոխվում են իրանց մամուլը բոլոր գրաշարներով մի այլ քաղաք և այնտեղ շարունակում են իրանց հրատարակութիւնը, անդադար և անխնայ յարձակվելով կառավարութեան դէմ:

Բիսմարկի վերջին ժամանակների դաշնա-

կիցները՝ կղերականներն էին: Բայց սրանք էլ այժմ հապիւ թէ կարողանան Բիսմարկին ձեռք մեկնել մանաւանդ Լեոն XIII պապի վերջին էնցիկլիկայից յետոյ, որի մէջ պապը մի հրէշաւոր անտակաութիւն, մի աններելի անզգուշութիւն արաւ: Յայտնի է որ Գերմանիայի ազգայնականութեան մեծ մասը, նոյն իսկ Թադաւորական ցեղը և ինքն Բիսմարկը բողոքական կրօնին են պատկանում, իսկ պապը իր այդ էնցիկլիկայի մէջ յայտնում է որ մարդկութեան ամենամեծ թշնամին բողոքականութիւնն է, որ այդ կրօնը մայր է յեղափոխութեան, սօցիալիզմի, կոմունիզմի, նի-հիլիզմի և ամեն տեսակ ֆեախակար հասարակական վարդապետութիւնների, որոնք տիրում են ժամանակակից մարդկութեան մէջ: Պարզ է որ պապի այդ տեսակ անզգուշութիւնից յետոյ գերմանական կաթոլիկ կղերական կուսակցութիւնը անկարող կը լինի ձեռք մեկնել Բիսմարկին: Բնական է, ի հարկէ, Հռոմի պապի, կաթոլիկութեան գլխի ստեղծութիւնը դէպի ամենաազատ քրիստոնէական կրօնը, դէպի բողոքականութիւնը, բնական է որ նա բողոքականութիւնը համարէր եկեղեցու վերաբերութեամբ վերանորոգել, յեղափոխական շարժում: Բայց համարել բողոքականութիւնը սօցիալիզմի և այլ ֆեախակար քաղաքական վարդապետութիւնների մայր՝ դա ամենամեծ անարդարութիւն է: Իսկ գերմանական պարլամենտի ընտրութիւններից առաջ արտասանել այդ տեսակ խօսք և բողոքականութիւնը պատասխանատու դարձնել մարդկութեան ամեն տեսակ ցաւերի և շարքերների, դա քաղաքական ամենամեծ անհեռաւորութիւն է:

Գիւռ դա պատմութեան մէջ չը վճռված հարց է՝ ո՞ր պետութիւնները աւելի ենթարկում են արիւնահեղ յեղափոխութիւններին, ծայրայեղ վարդապետութիւններին, ինչպէս կոմունիզմ և սօցիալիզմ, այն պետութիւնները որտեղ տիրում է բողոքականութիւնը, թէ խիստ, միապետական, սատուածապաշտ կրօնները կաթոլիկութեան նման:

Գերմանիան ներկայացնում է այժմ մի չեղած երեւոյթ. կուսակցական կուսակցի, քաղաքական սպարէզի մէջ սկսում են մտնել և մասնակցել ընտրողական շարժման և գիտութեան մարդիկ: Երեւի գերմանացի շարժման հրատարակել է նորերում մի շարք յօդուածների պարլամենտարիզմի և սահմանադրութեան մասին, խստութեամբ քննադատելով և պահպանողական և ազատամիտ կուսակցութիւնը: Հարտման խորհուրդ է տալիս Գերմանիային տնտեսական խնդիրների վերաբերութեամբ հետեւ պահպանողական ուղղութեանը, բայց քաղաքական հարցերի վերաբերութեամբ ընդունել անկեղծ ազատամիտ րէֆորմների ընթացքը և այդ բանի մէջ օրինակ առնել Նիւթարիայից և Ամերիկայի Միացեալ-Նահանգներից:

Գ. Ա.

ՆԵՐՔԻՆ ՏԵՍՈՒԹԻՒՆ

ՀԱՅՈՑ ԲԱՐԵԳՐՈՐԾԱԿԱՆ ԸՆԿԵՐՈՒԹԻՒՆ
ԵՈՎԿԱՍՈՒՄ

Այսպիսի մի ընկերութիւն կազմելու գաղափարը յղացաւ անցեալ 1880 թւին հայ հասարակութեան մէջ Թիֆլիսում, նա հետզհետէ արժարժիցաւ և վերջապէս հասարակութիւնը գումարովելով հրապարակապէս հաստատեց ընկերութեան կազմած կանոնադրութեան նախագիծը:

Հասարակութիւնը ընտրեց հաւատարմատար անձինք նախագիծը պատշաճաւոր իշխանութեան վաւերացմանը ենթարկելու: Եւ ահա, յուլիս ամսին 6-ին, Կովկասեան ֆոխարքայի պաշտօնակատար գեներալ-գիւտաւոր իշխան Մելիքով բարեհաճեց հաստատել «Հայոց բարեգործական ընկերութեան» կանոնադրութիւնը:

Կանոնադրութիւնը բաղկացած է 50 յօդուածից, որոնցից առաջինը արտայայտում է ընկերութեան նպատակը և երկրորդը այն եղանակները, այն միջոցները, որոնցով ընկերութիւնը հասնում է իր նպատակին: Աւելորդ չենք համարում այժմ առաջ բերել այդ երկու հիմնական յօդուածները:

1. Ընկերութեան նպատակն է նպատակել ընկերութեան տարածմանը հայերի մէջ Կովկասում և Անդրկովկասում և օգնել նուցա նիւթականապէս:

2. Այս նպատակին հասնելու համար ընկերութիւնը, ըստ իր ոյժերի զարգացման՝ ա. պահպանում է արդէն գոյութիւն ունեցող հայոց ուսումնարանները և նիւթականապէս նպաստում է նորերի հիմնելուն, բ. օժանդակում է ժողովրդի մէջ արհեստների տարածմանը, գ. օգնում է ուսանողներին իրանց ուսման ասպարիզի մէջ, դ. լոյս է ընծայում գրքեր և պարբերական հրատարակութիւններ ժողովրդի ընթերցանութեան համար, նոյնպէս և այլ զրախոնական երկասիրութիւններ, ե. հիմնարկում է տպարաններ, վիճակագրական և ընթերցարաններ, գ. հիմնարկում է հիւանդանոցներ և այլ բարեգործական հաստատութիւններ, է. օգնում է տառապիւնների ժողովրդի թշուառութիւնների ժամանակ, որպիսիք են՝ սով, տարափոխիկ ախտ, հըր-դեհ, և այլն. այսպիսի դէպքերում, ըստ պահանջման հարկի, կազմում է առողջապահական մասնախմբեր, կամ ուղարկում է իր կողմից հաւատարմատարներ, ը. իրաւունք ունի կարեւոր դէպքերում նպաստել և այլ ազգագրութ ընկերութիւններին:

Ծանօթութիւն. Արեւիշխալ այն կէտերի վերաբերմամբ, որոնց մասին օրէնքով պահանջվում է կանխադրել ունենալ պատշաճաւոր իշխանութեան թոյլտուութիւնը, ընկերութիւնը սկսում է իրագործել իր ձեռնարկութիւնները այդ թոյլտուութիւնը ստանալուց յետոյ:

Մենք կաշխատենք հրատարակել մամուլի միջոցով կանոնադրութիւնը ամբողջապէս և տեսնել բոլոր անհրաժեշտ նախապատրաստութիւնները սեպտեմբերին առաջին ընդհանուր ժողովը կոչելու համար, որ

լընտրի ընկերութեան պաշտօնատար անձանց և որից սկիզբ կառնի ընկերութեան գործունէութիւնը:

Բ. Նաւասարդեան

ՆԱՄԱԿ ԴՕՐՈՒՑ

Յուլիսի 10-ին

Թանգութիւնը առաջ շատ խորթ էր երեւում ժողովրդի աչքին, այնպէս որ եթէ այստեղ աւելորդ պողոտէ ծախվէր 60 կոպէկով, չէին առնի և այնքան կը մանգային մինչև որ գոնէ տասն կոպէկով պակաս առնէին, իսկ այժմ թանգութիւնը այնպիսի սովորական բան է դարձել, որ ինչ որ գնահատեն, իսկոյն կը տան և կառնեն, Ահա այս բանն է առիթ տալիս ծախողներին աւելի թանգ ծախելու: Այստեղ ալիւրի պողոտէ ծախվում է 1 ր. 50 կ., մսի ֆունտը 10 կ., պանրի ֆունտը 20 կ., իւղի ֆունտը 50 կ., և այլն: Անցեալ տարի թէպէտ մարիսը մի քանի տեղերում երեւցաւ ու ոչնչացրեց արտիքը, բայց էլի լաւ հոռն է կար, իսկ այս տարի ոչ մարիս կայ և ոչ խաղողի հիւանդութիւն: Այս տարի ամեն բանի առատութիւն կայ և մեծ է ժամութեան յոյս ունենք:

Այստեղի քաղաքային դուռնի իր պարտականութիւնը ճշտել է կատարում: Փողոցները շատ կեղտոտ են և մաքրելու ու ջրելու վրա ուշադրութիւն չէ դարձնում: Փողոցները լի են աղբով ու թողով և քամիի ժամանակ անցողիքով անողների աչքերը լցվում են թողով, այնպէս որ շատերը չեն կարողանում տանից դուռը դալ երբ քամի է լինում: Այստեղ համարեա ամեն օր քամի է լինում: Այստեղի փողոցների ջրելը մեծ բան չէ, մանաւանդ մեծ փողոցի, որտեղ անցողիներն ու գրոսնողները շատ են լինում, և որի աջ և ձախ կողմերում ջրանցքներ են անցնում: Հարկաւոր է միայն վերցնել թիւ և ջուր ցանել փողոցի վրա:

Գիշերները փողոցները լուսավորված են ազատ լուսով և սրտ վրա էլ ուշադրութիւն դարձնող չը կայ: Միայն այս երկու օր է լաւ են լուսաւորված, որովհետեւ կապալով վերցնողի ժամանակը լրանում է և վերջին անգամ լաւ լուսաւորութիւն ցոյց տալով, խաբում է գործեցնելին և կրկին մի և նոյն կապալաւորին է միում: Այս բանը կրկնվում է ամեն տարի: Կապալաւորն առաջ լաւ է լուսաւորում փողոցները, յետոյ վատ, և վերջը լրանալու ժամանակը լաւ: Այսպիսի հնարքով կապալաւորները շահվում էին, իսկ գործեցնելը կուրանում:

Անցեալ և այս տարվայ մեծ ջրերը մեծ վնաս տուեցին Գործուն, տներ քանդեցին և այգիներ ոչնչացրին: Անցեալ տարվայ ջուրը քանդեց քուր գետի վրա շինած փայտէ մեծ կամուրջը, իսկ այս տարի—փոքրը և այժմ ջրի վրա ման են գալիս լատտափայտով (паромы) Գործուն համար կամուրջը անհրաժեշտ է, որովհետեւ երկաթուղու կայարանը գտնվում է Գուր գետի աջ կողմը, իսկ քաղաքը—ձախ կողմը, և ճանապարհորդները մեծ դժուարութիւն են կրում լատտափայտով անցնելու ժամանակ: Վաղուց է մտադրութիւն կայ երկաթի կամուրջ շինելու, բայց այդ լուի խօսք էր և ոչ թէ գործ: Գործեցիք այնպիսի մարդիկ չեն, որ ինչ որ ասեն կատարեն: Սրանք խօսքով ամեն բան կը քանդեն: Առատարակ սրանք անում են այն, ինչ որ ֆեախակար է:

Գործեցի

ՆԱՄԱԿ ԽՄԲԱԿՐԻՆ

Թիֆլիս, 11 յուլիսի

Ամենայն տարի սովորութիւն ունենալով մեր ազգայնիւնից շատերը իրանց որդոց անուա-